



Memorandumi i Bashkëpunimit

në mes

OJQ Advancing Together (AT)

dhe

Komunës së Klinës

OJQ "Advancing Together, me adresë në Rr. "Rexhep Mala", Nr. 36, Prishtinë, Kosovë.

Komuna e Klinës, me adresë në Rr."Abedin Rexha" nr.31, Klinë, Kosovë.

Neni 1

Qëllimi

Qëllimi i këtij memorandumi është bashkëpunimi në mes të subjekteve të lartcekura në zbatimin e Projektit "Bëhu Partneri Im për Mirëqenie – faza 2" 2023/2024 të financuar nga Misioni i Kombeve të Bashkuara në Kosovë-UNMIK, për fuqizimin e komuniteteve lokale, duke kontribuar kështu në hartimin, zbatimin, dhe monitorimin e planeve dhe projekteve në lidhje me komunitetet.

Neni 2

Arsyeshmëria

Duke pasur parasysh që autoritetet lokale kanë rolin vendimtar në zhvillimin dhe përmirësimin e jetesës së komuniteteve në fushat prioritare - arsimi, punësimi dhe mirëqenia sociale, shëndetësia, strehimi, promovimi kulturor, të rinjtë dhe gratë, buxhetimi i përgjegjshëm, përkrahja për personat e kthyer dhe të zhvendosur brenda vendit, ndërtimi i besimit dhe bashkëpunimit në mes komuniteteve - në përputhje me kompetencat e tyre përkatëse, kornizën ligjore dhe dokumentet strategjike.

Neni 3

Fushat e Bashkëpunimit

Palët e lartcekura do të bashkëpunojnë ngushtë në përmirësimin dhe promovimin e qeverisjes lokale demokratike, si dhe forcimin e komunikimit dhe koordinimit funksional ndërmjet komuniteteve jo shumicë dhe autoriteteve të nivelit lokal dhe qendror.

Fuqizimi i kapaciteteve lokale përmes zhvillimit dhe zbatimit të projekteve të vogla, të cilat bazohen në prioritetet e anëtarëve të komunitetit jo-shumicë dhe kanë ndikim të drejtpërdrejtë në nivel lokal. Këto projekte ofrojnë një nxitje për anëtarët e komuniteteve jo-shumicë dhe autoritetet lokale që bashkërisht dhe në mënyrë efektive të angazhohen në mekanizmat lokalë. Marrëdhëniet ndërmjet komuniteteve në komunë do të përmirësohen dhe do të vendosen lidhje më të ngushta me mekanizmat komunalë.

Forcimi i kapaciteteve të autoriteteve lokale dhe pjesëtarëve të komuniteteve jo shumicë, për të përforcuar mekanizmat komunale. Rritja e njohurive dhe kuptimit, të funksionimit të strukturave dhe mjeteve në dispozicion, do të përmirësojë koordinimin dhe bashkëpunimin ndërmjet komunës dhe komuniteteve jo shumicë, si dhe ndërmjet komunës dhe strukturave të nivelit qendror.

Neni 4

Specifika e bashkëpunimit

Palët nënshkruese të këtij Memorandumi të Bashkëpunimit pajtohen si në vijim:

- Do të angazhohen për rritjen e bashkëpunimit, mekanizmat e komunikimit të rregullt, shkëmbimin e informacionit dhe përditësimin e aktiviteteve përkatëse;
- Do të dakordohen për themelimin e 'Forumit Ndërkomunitar' pjesë e cilës do të jenë autoritetet lokale dhe përfaqësues të komuniteteve (duke siguruar pjesëmarrjen e grave dhe të rinjëve) dhe do të organizojnë dhe marrin pjesë në takime të Forumit për të identifikuar nevojat e tyre prioritare për projekte të komunitetit;
- Do të marrin pjesë çdo tre muaj në takimet e 'Komitetit Shqyrtues të Projekteve' për të monitoruar progresin e realizimit të projekteve, për të komunikuar rezultatet e projektit, për të mbikëqyrë dhe mbështet projektet në mënyrë që të sigurohet arritja e qëllimeve.
- Do të shqyrtojnë mundësitë e bashkëfinancimit të projekteve prioritare dhe me interes, për komunitetet pakicë.

4.1. Përgjegjësitë e AT -së në këtë Memorandum Bashkëpunimi:

- Do të fuqizoj mekanizmat institucional për adresimin e nevojave dhe çështjeve që lidhen me komunitetet;
- Do të përmirësoj dhe zgjeroj angazhimin, kapacitetet, njohuritë dhe aftësitë e institucioneve për të punuar për përfshirjen e komuniteteve, duke vënë në praktikë konceptet e qeverisjes së mirë dhe duke rritur bashkëpunimin ndërmjet autoriteteve dhe komuniteteve;
- Mbështetje komunave dhe komuniteteve për të zbatuar masat e hartuara dhe projektet e përzgjedhura së bashku;
- Organizimi i punëtorive për ngritjen e kapaciteteve në nivel lokal;
- Do të siguroj koordinimin dhe administrimin e përgjithshëm të Projektit.

4.2. Përgjegjësitë e Komunës në këtë Memorandum Bashkëpunimi:

- Do të caktoj një person, me autoritet vendimmarrës, që do të jetë përgjegjës për procesin në lidhje më pjesëmarrjen dhe zbatimin e Projektit;
- Do të merr pjesë në takimet e Forumit Ndërkomunitar, në punëtoritë për ngritje të kapaciteteve të autoriteteve lokale dhe përfaqësuesve të komuniteteve;
- Do të mbështes zbatimin e ndryshimeve pozitive në praktikën aktuale administrative që mund të identifikohen si rezultat i trajnimit, përmes punëtorive dhe dialogut të strukturuar me komunitetet;
- Do të siguroj pjesëmarrjen e stafit të departamenteve komunale të interesuara në aktivitetet e ndërtimit të kapaciteteve të planifikuara në kuadër të Projektit të AT-së;
- Do të siguroj pjesëmarrje të plotë dhe bashkërendim të stafit përkatës administrativ dhe departamenteve komunale gjatë zbatimit të projekteve që do të financohen nga AT, përfshirë raportimin narrativ dhe financiar si dhe monitorimin.

Neni 5

Kohëzgjatja

Ky Memorandum Bashkëpunimi është i vlefshëm nga data e nënshkrimit dhe ka efekte juridike deri më 15 qeshor 2024.

Neni 6

Ndërprerja

Ky Memorandum Bashkëpunimi mund të ndërpritet:

- Në çdo kohë në rast të mos respektimit të pikave të marrëveshjes nga të dyja palët.
- Me paralajmërim me shkrim së paku 30 ditë para datës së ndërprerjes së marrëveshjes.

Neni 7

Ndryshimi dhe Amendamenti

Ky Memorandum Bashkëpunimi mund të rishikohet, ndryshohet dhe plotësohet në bazë të pajtimit paraprak ndërmjet palëve nënshkruese. Palët do të përpiqen që të zgjidhin të gjitha mos pajtimet që mund të dalin nga ky memorandum në bazë të partneritetit dhe mirëkuptimit të dyanshëm përfshirë dhe ndërmjetësimin.

Neni 8

Gjuha dhe Kopjet e Memorandumit

Ky Memorandum Bashkëpunimi në pajtim të palëve është përpiluar në gjuhën shqipe dhe nënshkruhet në dy kopje të njëjta, nga një kopje për secilën palë.

Neni 9

Hyrja në Fuqi

Ky Memorandum Bashkëpunimi hynë në fuqi në datën e nënshkrimit nga palët nënshkruese.

Palët:

AT
Drejtori Ekzekutiv



Z. Bashkim Ibishi

Data: 27/09/2023

Vendi: "Klinë"

Komuna Klinë
Kryetari i Komunës


Z. Zenun Elezaj

Data: 27.09.2023

Vendi: KLINË

